

Намрар тәрдг тәрәнд сән белдвр кергтә

Одахн Элстин МТС-н коммуниствр намрар тәрә тәрлгънд беллгънә туск төр эврәннә олна хургтан тәвдж күүндв. Намрар тәрә тәрлгънә төр эн джил мана МТС-д нег үлү ик чинр зүүджәнә, юнъгад гихлә, намрар тәргдлг тәрәнә зура икдсн деерән, малин хот гидж тәрә тәрлгън элвгәр кегдхмн.

МТС-н гардврт ордг колхозмудар ут-турштан 8 минъгън 900 гектар газрт намрар тәрән тәр гдхмн—тер тоод—600 гектар газрт хар буудә, наадк газртнь—цагъан буудә тәргдхмн, дакад 2000 гектар газрт малин хот гидж хар буудә тәргдхмн, эс гидж ниднин джилд тәрсн тәрәнәс 1750 гектар икдджәнә. Хаврин болн зунн цагт көкүл хөд, хургъд шимтә көк өвсәр асрхин эркд кошармудин өөр 820 гектар газрт хар буудә тәргдджәнә. Тиигәд, намрар тәрә тәрлгънә зура 11 минъгън 720 гектар болдж гарчана.

МТС-н гардврт бәәдг колхозмудар 7350 гектар пар белдгдсн бәәнә. Цевр пар мана Хальмг танъгъчин газр-усна бәәдлд нег үлү чинртә болдг.

Үлгүрнъ, балгъсна „Страна Советов“ гидг колхоз цевр парар тәрсн цагъан буудән гектар болгънас 14-д болн 18-д центнер буудә авб. Намрар хагъли тәрсн тәрәнә гектар болгънас болхла зуг 4-д, 6-д центнер буудә авгдв.

Трактормуд, культиватормуд болн плугс цугтан ясгдсн белн бәәнә.

Дакад нег дуту-дунднь—буудән эк беллгън. Эн төрт колхозмудин гардачнр сән онъган ода бийнъ тәвәд уга. Колхозмудин зәрм агрономс буудән экнә гарциг хәләдж, шиндждж-шүүдж авад уга. Прицепшикүд йилгъдж тракторн бригадсар батлгдад уга.

Коммуниствр эн дуту-дундсиг ахр цагт уурулдж, намрин тәрәнд үзмджтә сән белдвр бұрдәх шиидвр авцхав. Намрин тәрәнә белдврт социалистическ дөрлдә өргнәр делгрүлдж, Алдр Октябрин 40-ч өөнд верәддж, намрин тәрә тәрлгъән ахр цагт агротехническ сән чинртәгъәр күцәлгън—мана партийн организацин эрки төр болджана.

Д. КОСТИН.